

Bebingtonstraat 2, Monumenthoogte, KIMBERLEY, 8301

Tel (053) 832 9595; E-pos: [rponc@rpo.co.za](mailto:rponc@rpo.co.za)

## VOORKOMENDE MAATREËLS TER ONDERSTEUNING VAN BIOSEKURITEIT

Voorkomende maatreëls word vereis om die kudde teen siektes te beskerm wat weens eksterne kontak opgedoen word. Die volgende kategorieë is van belang:

### 1. DIREKTE VEE-AANKOPE (en eie vee wat terugkeer)

Die volgende behoort **geverifieer** te word voordat nuwe diere in die kudde ingebring word:

- Hoe lank die diere by die vorige aankoop punt of plek gebly het.
- Of daar enige onlangse siekte-uitbrekings in die gebied was.
- Of eienaarskap duidelik deur brandmerke bevestig word.
- Of 'n inentingsprogram gevolg is (dokumentêre of veteriniêre bewys).
- Wat is die algemene plaaslike eksterne parasiete en die beheerprogram wat op 'n roetine-basis gevolg word.
- Is 'n veeartsondersteunende beheerprogram teen oordraagbare siektes gevolg.
- Datums en voldoende aantal toetse vir reprodktiewe siektes op beide manlike en vroulike diere.
- Datums en toetse vir soönotiese siektes.

Bogenoemde moet ook met die aankoper se eie veearts geverifieer word.

### 2. AANKOPE VAN VERKOPERS OF SPEKULANTE

- Koop net in gebiede wat nie naby geskeduleerde gebiede is nie.
- Doen 'n visuele inspeksie van die diere voor aankope vir:
  - \* brandmerke
  - \* parasietbesmettings

### 3. VERVOER NA DIE PLAAS

- Gebruik net erkende vervoermaatskappye.
- Sorg dat die trok skoongemaak en ontsmet is.
- Maak seker die trok volg die kortste ononderbroke roete.
- Die trok moet die kortste roete na die hanteerfasiliteite volg.
- Moenie toelaat dat die trokpersoneel in aanraking kom met die plaaskudde nie.

### 4. AANKOMS OP DIE PLAAS

- Wanneer die vee afgelaai word moet stres tot die minimum beperk word en vee moet visueel geëvalueer word vir onnatuurlike kondisies.
- Isoleer die diere van die plaaskudde en gedeelde fasiliteite vir ten minste 28 dae (kwarantyn).
- Toets weer vir siektes waaroor daar kommer is indien nodig voordat die nuwe diere met die res van die kudde meng.
- Prosesseer nuwe aankomelinge binne 24 uur na aankoms (unieke ID skyfie, brandmerk, dip, doseer, inent).
- Doen gereelde inspeksies.

### 5. VOERAANKOPE

- Maak seker dat hooibale nie aangekoop word van gebiede wat aangrensend tot geskeduleerde gebiede is nie.
- Koop net van erkende handelaars.
- Moenie voer koop wat in tweedehandse sakke verpak is nie.
- Maak seker voertrokke is skoongemaak en ontsmet, veral as dit ook gebruik word om diere na die abattoirs te vervoer.

### 6. BESOEKERS

- Moenie vreemdelinge of hul voertuie naby die vee toelaat nie.
- Maak seker heinings word goed onderhou. Dit moet jakkalse en vlakvarke verkieslik uithou.

## 7. WERKNEMERS

- Werknemers moenie toegelaat word om in die voerstore te eet nie.
- Voorsien werknemers van voldoende ablusiefasiliteite.
- Reël dat werknemers gereelde middels teen lintwurms ontvang en mediese roetine-ondersoeke ondergaan.
- Hou rekord van alle vee op die eiendom wat aan werknemers behoort.
- Behandel werknemers se vee met aparte, maar toegewyde gesondheidsprogramme.
- Maak seker werknemers verstaan waarom biosekuriteitsmaatreëls ingestel word sodat hulle sal help om daaraan te voldoen.